

Kinwaati ki nkosi ki Pɔɔ tɛ tɛɛ li

Timoti-i

Fiee fi nuun le Kinwaati ki

Timoti-i ki nkosi kini-i

Kinwaati kini nuun ki nkosi ki Pɔɔ tɛ tɛɛ li sɔɔnɛwi wumu wu bukoon bwee tɛ nuun le Timoti. Timoti wuni tɛ nuun wi wu Krai, tɛ nuun wi wu kwɛɛn wu Eesha wu nkwen.

Biee bi Pɔɔ tɛ tɛɛ kii bi le kinwaati kee ki nkosi kini biee bitɛtu. Fi nkosi fiee tiiti le lenti nyɛɛ ntifi li bee le be ni be dzeti mfi kii nlaanche wu nuun ye tsaan lenti le beniin be kimbeenche-ɛ ke. Wuni nlaanche tɛ nuun le, kwɛɛn wu tɛeben ngingi wuni nuun kwɛɛn wu bifi, wi se nuun kemɛ kinsofu nɛɛ mfi wu wi kɛɛ biee bimu bi nuun le munyiikɔɔ li, be mfi wu wi tsiin ntɛ wumu nɛɛ si nuun ni fɛngi nje nwaani biee bimu be numu kwɛɛn nsin ke nyun nsin.

Kinwaati kilu tiiti kɛɛ tɛ si nuun Timoti ni feti nime chee le kintaashe ki beniin be kimbeenche-ɛ lenti, be si beniin nuun be ni be feti nleke li Nyɔ-ɔ. Ki tuu ki tiiti nwaani kinge ki bikoo bi bintaashe bi beniin be kimbeenche-ɛ mɔɔ beniin be fii li nime-ɛ le bintaashe lenti kemi le be ni be kemi. Li merise wu tifɔ Timoti si nuun ni nindi si nwanɛ nime wu Jiso Krai wu dzeen.

Bikoo bi biee bi le Kinwaati kini-i

1:1-2 Mbɛɛche

1:3-3:16 Ntifi kii si be nuun be ni be feti biee li kintaashe-ɛ, be kii bɛte bikoo bi kintaashe-ɛ

4:1–6:21 Ntifi kii si Timōti gii ni feti nime chee

¹ E mi Pɔɔ, nnuun ɲwanɛ nton wu Krai Jiso si Nyɔ yi Kinsofu kisɛɲ bɛ Krai Jiso wu tɛɛben ɡɛɛ bufii li wuu tɛ tee le ni nuun.

² Ntsekɔɔ kinwaati kini li wɛ-ɛ Timōti wu nuun ɲwanɛɲ wu chɛɛɲ li kimbeenchɛ-ɛ.

Nyɔ Baa bɛ Krai Jiso wu Taa wusɛɲ doonchɛ wɛ shɛɲ yi dzeɛɲ, tuu kɔɔ nshiin bɛ wɛ, nyɛ wɛ mɔɔ mbɛɛɲgii.

Le Timōti ni loosi bɛmfɛɲisɛ bɛ binsɛɛ lɛ

³ Si ntɛ nsoon bɔ li wɛ-ɛ mfi wu ntɛ ɲgiingi Masadonya lɛ ɔ shɛ ɔ ni ɔ nuun ɛfɛso lɛ, ntuuɔ nsungi bɔ tɛ le ɔ ni ɔ nuun le ɔ loosi bɛniin baa bɛ fɛɲisi mfɛɲisɛ wumu wu gwe.

⁴ ɔ loosi tɛ le kiin be ni be dzeti mfi wube be bifisi li mulo-on mɔɔ li mɛɲkooɲ mɛ bɛte bini bi bɛniin lɛ mɛ be ti shiin be fɛɛ maa be giingi bɛ me limfwe kɛ. Bini nuun bieɛ bi bɛɛ nuun bɛ biɛtchine, nuun yɛ bɛ nime chi Nyɔ-ɔ chi biki kimbeenchɛ kɛ.

⁵ Fieɛ fi shaan li tefɛ chini linti fieɛ le chi fɛ bɛniin kɛmɛ kinƙɔɲɡisɛ ki dzeti fɛ shɛɲ yi wuuti, bɛ ki dzeti li shɛɲ yi wi feti fieɛ nuun yɛ fi shɛɲ yee sɛki wu kɛ mɔɔ fi dzeti li shɛɲ yi chɛɛɲ yi wi ɡɛɛ li Nyɔ-ɔ.

⁶ Bɛniin bamu chine baa yini dze kitun, be tuu be mbwenɡi be giingi nuun li tefɛ chi li yee li.

⁷ Be wɛki baa le be ni be nuun bɛniin bɛ fɛɲisi bɛniin bɛnchi bɛ Nyɔ-ɔ, se nuun le be tɛ kɛɛ fieɛ fi be tiiti kii fi kɛ kinyi ki fieɛ fi be tɛchini li fi-i, mɛɲine nsin kɛ.

⁸ Tɛ kii baa le nchi wu Nyɔ nuun fieɛ fi dzeɛɲ fɛ wi dzeti nchi wulu lɛ dze yi shaan li si kɛmi le dzɔɔ.

⁹ Tε kii baa tε le bε ti mεεη ki gεε kε nchi li bεniij bε nuuη tsaan li kε. Bε tε giki nuuη li bεniij bε cheti bεnchi mɔɔ bε tεemi bikoo, mɔɔ bε fεηgi Nyɔ, mɔɔ bε feti bibifi, mɔɔ bε wuuti yε kε, mɔɔ bε nyamisi fiee fi kii Nyɔ, kε bε woyi bε tee bε bee kε bε ni bε bee, kε bε woyi bεniij bamu.

¹⁰ Wu nuuη tε li bukεεη bε bunij bε jii bukwεε li, mɔɔ li bunij bε gimi bε bamu. Wu nuuη tε li bεniij bε yii bεniij bε giijgi bε be, mɔɔ bε sεeyi binseε, mɔɔ bε chinini le bε tiiti baa chεεη bε tuu bε fenjisi nuuη binseε. Tuu nuuη tε le bε ni bε feti nεε mɔɔ nuuη la le fi biki yε mfenjise wu tsaan kε.

¹¹ Mfenjise wuni biki nton wu dzeen wu nyɔηa wu nuuη wu Nyɔ yi bε pieti, nton wulu se nuuη wu bε tε nyε li tsan yεη.

Pɔɔ nyε kiyɔɔni li Taa li kii nshiij yi tɛ kɔɔ li wuu

¹² Nyεεɔ kiyɔɔni li Krai Jiso wu Taa wusεη wu nyε mi bunğa le ni nindi nime chee. Tε biche mi ηεη le mi ηkɔchɔɔ, se tsaa mi le ni nindi.

¹³ Mɔɔ nuuη si ntɛ nnuuη ηkosi ntiiti jε yi bifi kii wu, mbiindi bikaa lε bεniij bee jin, ngaashi be, se nuuη le, tɛ kɔɔ nshiij bε mi, kifε ntɛ mfeti bieε bini li kijibe-ε ntɛ ηkemi yε kimbeenche kε.

¹⁴ Taa wusεη tɛ doonche kinƙɔηgise kee li mi-i ki yan ηge, se fε mi ηkeme kimbeenche bε kinƙɔηgise nεε si wi wu taashε bε Krai Jiso ti kemi.

¹⁵ Tefe chi nuuη le Krai Jiso tɛ bε li nshε le soo bεniij bε bifi nuuη chεεη. Ɛ tefe chi kɔche, chi nuuη wi bεη li chi chichu-u mεηine nsin. Mi kibεε nnuuη ηkune bibifi.

¹⁶ Se nuuη le, Taa tɛ kɔɔ nshiij bε mi, le Jiso Krai se doonche kɛti li mi-i nshiij yee yi keeti yi giijgi

limfwe ma nsin li beniiŋ li. Mi wu nuuŋ ŋkune bibifi, nse nuuŋ neε si mbose li beniiŋ be gii naa be beŋ li wuu be se kemε ntse wu kimake.

¹⁷ Nyɔ nuuŋ Mfɔŋ wu lindεeri wu ti mεε ye ke, ti kwii ye ke, be ti ŋiŋgi ye yi ke. E neε yi kwaa yi nuuŋ Nyɔ. Te ni te nyεε ŋguŋu li yi-i te tendi bendee be yi-i, mfi kwi ma nsin. Fi nuuŋ le.

Nime chi Timōti gii ni nindi

¹⁸ Timōti ŋwanen, nyεε tefe chi fiee fi ntiiti fini li tsan ya, chi biki cheε nuuŋ fiee fi beniiŋ te tee kii we si beniiŋ be laŋini benton be Nyɔ-ɔ, le fi naa fi fi we ɔ se toŋ dzin yi dzeen.

¹⁹ ɔ lemi neε li kimbeenche ko-o, ɔ yiki fiee fi shaan fi shen ya tiiti li we-ε. Beniiŋ bamu chine baa n'yike fiee fi shen yibe tiiti be, be we li bembeenche be bee, si yih yi dzɔɔ, fe yi kesɪ.

²⁰ Li kintutu ki bee ε Imenayus be Alekesanda. Mi nyεɔ be li tsan yi Sata-an kituŋ, fi fieε le ε be kemε bufii, be chike be bukoon bu Nyɔ-ɔ bu be bifisi bwεε.

2

Ntifi kii nleke li Nyɔ-ɔ

¹ Fiee fi ŋkosi fi nleki se fieε le, beniiŋ be Nyɔ-ɔ ni be leki li Nyɔ-ɔ li beniiŋ bechu-u. Be ni be leki li Nyɔ-ɔ be dii li Nyɔ-ɔ, be tuu be leki Nyɔ li beniiŋ bamu bechu-u, be nyεε te kiyɔni li yi-i.

² Be ni be leki li Nyɔ-ɔ li bemfɔ-ɔŋ, be li beniiŋ bechu be nuuŋ li bintindu bi nɔŋa bi nɔŋa. Be ni be leki li Nyɔ-ɔ le ke se te ni te tsiin ntse wu tsɔɔŋ be wu mbeεŋgii mɔɔ wu beniiŋ be Nyɔ-ɔ mɔɔ wu kemi ŋguŋu le dzé chi-i.

³ Nlɛkɛ li Nyɔ-ɔ lɛ nuuŋ fiee fi dzeen, fi kɔchini li Nyɔ yi nuuŋ Kinsofu kisɛ-ɛŋ,

⁴ yi kɔŋgisi le wi kwikwi naa bo mɔɔ le wi kwikwi kɛɛ chɛɛŋ.

⁵ Nyɔ nuuŋ mumkpaŋ kwaa, wi wu nuuŋ kintikinti li Nyɔ-ɔ bɛ bɛniin nuuŋ nɛɛ tɛ mumkpaŋ. Wi wuni se nuuŋ Krai Jiso.

⁶ Ɛ wu, wu tɛ nyɛ yi yee le ya bɛniin bɛchu li ŋgɛ-ɛ. Fini nuuŋ fiee fi Nyɔ tɛ doonchɛ mfi wu mfi wu shaan tɛ kɔchɛ.

⁷ Fiɛɛ fiee fi Nyɔ tɛ tsaa mi le ni nnuuŋ wi wu fenjisi, mɔɔ ŋwanɛ nton wu Jiso bɛ le ni nnuuŋ Wi wu Ntiifɛ wu bɛniin bɛ tɛ nuuŋ yɛ Bɛjuu kɛ. Tɛ nuuŋ le ntiifi be, be se gɛɛ shɛŋ li Krai li, le ni ntiifi tɛ be bɛ chɛɛŋ. Fiee fi ntiiti fini n'yɛŋgi yɛ kɛ. Ntiiti nuuŋ chɛɛŋ.

⁸ Nse ŋ'wɛkɔɔ le bunin ni be lɛki li Nyɔ-ɔ li bintsii bichu-u, be tsakisi nuuŋ tsan yi wuuti liwe, shɛŋ yi tɔnyɛ kɛ be kɛ, kɛ le be ni be tsuki ntsoon kɛ.

⁹ N'wɛkɔɔ tɛ le bukɛɛŋ ni be lisi ndú lɛ dze yi shaan li, yi doonchi ŋguŋu, mɔɔ yi bɛniin ŋŋgi le yi yɛ yi shaan. Kiin be ni be luu yí mɔɔ nuuŋ le be ni be lisi biee bi bɛ nachɛ bɛ kikwa ki yɛchi mɔɔ nuuŋ bikɔmu, kɛ ndú yi tɛɛmi kwa ŋge kɛ.

¹⁰ Be ni be chumini yi yibe nuuŋ bɛ kinge ki dzeen si bukɛɛŋ bɛ bɛ ŋŋgi le be guundi baa Nyɔ.

¹¹ Kwɛɛŋ kɛmi le nyɛ yi yee chi le ni yiki bɛntiifɛ bu yikɛ, ni nuuŋ kimfime kimakɛ.

¹² Mmɛɛŋɔ ki nnyɛ kɛ dze le kwɛɛŋ ni tiifi bunin kɛ, kɛ le ni kɛmi buŋga lɛ bunin li lɛwe kɛ. Kɛmi le ni nuuŋ kimfime kimakɛ.

¹³ Fi nuuŋ lɛ kifɛ ɛ Adan wu Nyɔ tɛ saa tɔŋ, se tɔŋ

Iff.

¹⁴ Ɛ Adan wu Satan tɛ yɛɛn bɛ wu kɛ. Ɛ kwɛɛn wu bɛ tɛ yɛɛn bɛ wu se bonde nchi wu Nyɔ.

¹⁵ Mɔɔ nuun si fi fiɛɛ lɛ, Nyɔ gii yi soo kwɛɛn keti li bierɔ-ɔ. Fini gii fi nuun fɛ wu ba lemi li shɛn yi wu gɛɛ li Nyɔ-ɔ, kɛmi kinƙɔŋgise, tsiin ntse wu waan kɛmi ŋgunu.

3

*Si ntse wu bɛte bikoo bi bintaashe
bi beniiŋ bɛ kimbeenche-ɛ kɛmi le ni nuun*

¹ Tefe chimu cheɛ lu chi nuun nɛɛ cheɛn. Tefe chini nuun le: Ɛ wi gbɛŋgi weki kintinde le ni nuun te kikoo wu kintaashe, kɛ wekɔɔ tɛ nuun nime chi kɛmi ŋgunu.

² Te Kikoo wu kintaashe ki beniiŋ bɛ kimbeenche-ɛ kɛmi le ni nuun wi wu kɛmi yɛ fieɛ fi bɛ gundi wu li fi-i kɛ. Kɛmi le ni nuun nyume kwɛɛn mumƙpaŋ, tɛ fɛ bieɛ bi ƙinga-aŋ kɛ, beechi bieɛ bujaŋ, kɛmi ŋgunu, fii beniiŋ bɛ ndɛnde li wuu yih, kii ntiife beniiŋ.

³ Kɛmi yɛ le ni nuun wi wu ti wundi mbiin me keeti wu kɛ. Kɛmi le ni nuun mɛɛŋgii bɛ beniiŋ tɛ tase bɛ wi kɛ, tɛ tsoo ntsooŋ kɛ, tɛ kɛmɛ kinƙɔŋgise li kwaa kɛ.

⁴ Kɛmi le ni nuun wi wu kii mbiche lɛ yih ye bujaŋ, feti bɔɔŋ bee wuki wu li fieɛ fichu-u, be guundi wu.

⁵ Ɛ wi kii yɛ mbiche lɛ yih ye bujaŋ kɛ, geen se ni bichi lɛ kintaashe ki beniiŋ bɛ Nyɔ-ɔ?

⁶ Kɛmi yɛ le ni nuun wi wu mɛɛn fɛ wu fiiki wu to wi wu kimbeenche kɛ. Ɛ nuun weɛ wi, kɛ gii dza mfi wumu tuu ni tsakisi yi, dza lɛ li ŋge-ɛ si wu kinƙundi.

⁷ Kemi tɛ le ni nuuŋ wi wu bɛniin bɛ lɛkuuŋ ŋingi tɛ le wɛ wi wu shaan. Ɛ foo lɛ nsin, taa dza nyɛ buya li yi yee li dzɔɔ li kintasi ki kinjundi-i.

Si ntɛ wu bɛniin bɛ fii li mferu nimɛ lɛ kintaashe ki bɛniin bɛ kimbeenche lenti, kemi le ni nuuŋ

⁸ Bɛniin bɛ fii li mferu nimɛ chi li kintaashe ki bɛniin bɛ kimbeenche-ɛ kemi tɛ le be ni be nuuŋ bɛ kinge ki shaan. Be kemi yɛ le be ni be tiiti jɛ fiɛtu kɛ, tɛ nuuŋ bɛniin bɛ nyɛɛ yih yibe li mbiin mɛ ŋgee kɛ, tɛ nuuŋ bɛniin bɛ kunji nɛɛ nuuŋ mbenj kwaa kɛ.

⁹ Be kemi le be ni be kemi ntsoon yi fiee fi Nyɔ doonche li bee kii kimbeenche, fiee fimu tɛ saa be li shɛn kɛ.

¹⁰ Fɛ bɛ gii bɛ ni bɛ giki be li nimɛ-ɛ, bɛ kemi le bɛ saa bɛ mɔnche be kwɛ. Ɛ be doonche le be kemi yɛ chɔ kɛ, bɛ se gɛɛ be, be ni be nindi si bɛniin bɛ fii li nimɛ chi li yih yi nlɛkɛ li Nyɔ-ɔ ki bɛniin bɛ kimbeenche lenti.

¹¹ Bukɛɛŋ bɛ bee kemi tɛ le be ni be nuuŋ bɛ kinge ki shaan, be tɛ fiɛ kimfiɛ kɛ. Be kemi yɛ le be ni be feti bieɛ bi kinga-aŋ kɛ. Be kemi tɛ le be ni be lemi li chɛɛŋ li, li fiee fichu-u.

¹² Wi wu fii li nimɛ lɛ kintaashe lenti kemi le ni nuuŋ nyumɛ kwɛɛŋ mumkpan. Tuu kemi tɛ le ni kii mbiche lɛ bɔɔŋ bee li mɔɔ yih ye bujɔŋ.

¹³ Bɛniin bɛ fii li nimɛ-ɛ li kintutu ki bɛniin bɛ kimbeenche ɛ be nin bujɔŋ, be kemɛ bukoon bu shaan li yih yi bee, be nuuŋ tɛ mɛɲine nsin dududu kii shɛn yibe gɛɛ li Krai Jiso-o.

Fiee fi ko ŋge fi nuuŋ kii kimbeenche kiseri

¹⁴ Njĩgɔɔ le shɛɔ niĩj mbe ɲɛɲ wɛ. Se nuuɲ le, ntsekɔɔ biee bini li wɛ-ɛ le,

¹⁵ ɛ mi ndza mi ɲɔɔnɛ, ɔ kɛɛ si beniĩj kɛmi le be ni be feti biee li yih yi Nyɔ-ɔ yi nuuɲ kintaashɛ ki beniĩj bɛ Nyɔ-ɔ yi kɛmi ntɛ-ɛ. Kintaashɛ kini nuuɲ kintɔsi bɛ kimfoo ki kɛmi chɛɛɲ.

¹⁶ Fiee fiɛɛ lu fi gbɛɛɲ fi ko ɲge. Fiee fini nuuɲ fi tɛ shiĩj fi nuuɲ lɛ munyiikɔɔ li kii kimbeenche kisɛɲ ki tɛ tiiti, Nyɔ se fɛ yɛ tɛ se kɛɛ. Fiee fini nuuɲ le:

Tɛ doonche yi yee li nyan yi wiwon.

Fiana yi Waan tɛ doonche wi wu nuuɲ wu.

Benchindaa bɛ Nyɔ-ɔ tɛ ɲɛɲ wu.

Be tɛ fenjisi kii wu li bito-on.

Beniĩj tɛ gɛɛ shɛɲ li wuu nshe chichi

Be tɛ dzɔ wu yɛɛ liboo fɛ kintsii ki bunɔɲa.

4

Kii beniĩj bɛ mfenjise-ɛ bɛ binsɛɛ lɛ

¹ Fiana yi Waan tiiti yɛɛ le gii ni nuuɲ mfi wumu, beniĩj bamu gii naa be chinɛ li kimbeenche-ɛ be ni be wuki biee nuuɲ bi fiana yi yɛɲgi bɛ beniĩj mɔɔ bentiife bɛ benchindaa bɛ kinjundi-i.

² Bentiife bani gii be ni be bɛɛ li tsan yi beniĩj bɛ dengi be fumisi beniĩj be yɛɲgi binsɛɛ, shɛɲ yibe chiinde yɛɛ kɛɛ bɛ tɔɲ bɛ fiɲkɔɲ.

³ Be gii be ni be fɛɲgi le kiĩj beniĩj ni be feti bugoo kɛ, mɔɔ le kiĩj wi ni ji ɲwaani biee bimu kɛ. Biee bini se nuuɲ bi Nyɔ tɛ fɛ le beniĩj ni be jii, beniĩj bɛ kɛmi kimbeenche be tuu be kii chɛɛɲ mfi wu be jii be gii be ni be nyɛɛ kiyɔɔni li Nyɔ-ɔ.

⁴ Fiee fichu fi Nyɔ tɛ tɔŋ fieɛ fi dzeen, fimu se nuun yɛ lu fi wi nuun faan ɛ nuun le wu fi bɛ kiyɔɔni li Nyɔ-ɔ kɛ,

⁵ kifɛ n'yɔru wu nuun wu Nyɔ bɛ nlekɛ li Nyɔ-ɔ fɛɔ fi woo kitun.

Nwane nime wu Krai Jiso wu dzeen

⁶ Ɔɔ doonchi bieɛ bini li beɲwaanɛŋ beɛɛŋ, ɔ ni ɔ nuun wi wu nime wu Krai Jiso wu dzeen wu kurisi yi yee bɛ jɛ yi Nyɔ yi nuun kii kimbeenche bɛ ntiife wu dzeen wu ɔ biki.

⁷ Kiin ɔ ni ɔ kɛmi fieɛ fi fɛɛ bɛ mulon mu li yee li mu kɛmi yɛ fieɛ fi fɛɛ bɛ Nyɔ kɛ. Tifi yi ya le ɔ ni ɔ tsiin ntɛ nuun wu Nyɔ wɛki.

⁸ Mferu sɔɔŋ le yi yaanɛ kɛmi nɛɛ mbeɲ li wi-i. Se nuun le fɛ nuun ɔ ni ɔ tsiin nuun ntɛ wu Nyɔ wɛki kɛmi mbeɲ li wi-i lɛ dzɛ chichi, kifɛ fini kɛmi mbeɲ li ntɛ wu dɛɛni, fi tuu fi kɛmi li mfi wu bɛɛ li.

⁹ Tefɛ chini gbɛŋgi chi nuun cheɛŋ, ɛ tefɛ chi kɔche chi wi nuun beɲ tɛ mɛŋɛ kɛ.

¹⁰ Fieɛ fieɛ fi tɛ tɛɛndi munɔŋa li nime chini kifɛ tɛ leeki baa bufii busɛŋ buchu li Nyɔ yi kɛmi ntɛ. Nyɔ nuun Kinsofu ki beniin bechu-u, teege beniin bɛ beɲ li yi-i.

¹¹ Ɔ tiifi beniin bieɛ bini ɔ tiiti le be ni be feti bi.

¹² Kiin ɔ ni chine le wi nyaami wɛ kifɛ ɔ mɛɛŋɔ ŋwan wu sɔɔŋ kɛ. Ɔ nuun mbose li beniin bɛ kimbeenche lɛ dze yɔɔ yeti le-e, bɛ li ntɛ wa-a, mɔɔ li kinɲɔŋgise ki ɔ kɛmi-i, bɛ li shɛŋ yɔɔ gɛɛ li Nyɔ-ɔ, mɔɔ lɛ dze yɔɔ giki yi ya le, yi se wuuti.

¹³ Nyɛ yi ya li nteenyɛ Kinwaati ki Nyɔ-ɔ li beniin bɛ kimbeenche-ɛ gbanaa, ɔ tuu ɔ ni ɔ fenjisi jɛ yi Nyɔ, ɔ tiifi be nsiin gɛɛŋ bo mfi wu mi mbe.

14 Kiinj ɔ ni nyaami kinderi ko ke. Kinderi kini nuun ki be tɛ nyɛ li wɛ-ɛ mfi wu kintutu ki bete bikoo bi kintaashe ki beniinj be kimbeenche-ɛ tɛ gɛɛ tsan yibe li yi ya nton wu bentomfon be Nyɔ-ɔ be ɛ wɛ-ɛ.

15 Nyɛ yi ya li biee bini, ɔ ni ɔ feti bi bichu se beniinj bechu ni be ngingi ngenu limfwe wa.

16 ɔ dzeti mfi be yi ya mɔɔ be ntiife wa. ɔ kemi lu mkpaan ke ɔ feti ɛ ɔ soo yi ya, ɔ soo tɛ mɔɔ beniinj be wuki fiee fi ɔ tiiti.

5

Ntifi si Timōti gii ni feti be beniinj be kimbeenche-ɛ

1 Mfi wu ɔ nachi wi wu kaan kiinj ɔ ni ɔ wami wu bu wame ke. Se nuun le tifi wu bu tiife si chaa. ɔ dzeti besɔɔn si beɲwaana.

2 ɔ dzeti tɛ bukeɛɲ bekaan si bɛna, ɔ dzeti besɔɔn be bukeɛɲ ɛ si dzɛmi ya, ɔ bichi be ɛ dze yi wuuti li fiee fichu-u.

Si kintaashe nuun ki ni ki bichi ɛ bukeɛɲ beɛɲku-u

3 ɔ bichi ɛ bukeɛɲ beɛɲku-u, be gbɛngi be fuki wi wu bichi ɛ bee.

4 Se nuun le, ɛ kwɛɛ ŋku kemi bɔɔn, ke bɔɔn be bɔɔn ɛ, be saa be laanche mferu nime chi bee chi kimbeenche-ɛ, le be ni be bichi tɛ ɛ be ni be bee. Si be tɛ bichi ɛ bee. Fini nuun fiee fi kɔche ɛ Nyɔ lii.

5 Kwɛɛŋku wu gbɛngi nuun kwɛɛ ŋku wu kemi yɛ wi wu bichi ɛ wu-u ke, wu bichi limfwe nuun li Nyɔ-ɔ, lɛki li yi-i mfi kwi, dii li Nyɔ-ɔ butuu mɔɔ fɛnsaan.

6 Se nuun le, kwɛɛ ŋku wu dengi fiee jii nuun kikuun kee, wu kwio kitun mɔɔ nuun le mɛɛɲɔ dengi we.

⁷ ɔ tiiti biee bini li bee, kii beniiŋ ni dza be ni be gundi be.

⁸ Ɛ wi nuuŋ mbiche Ƽ kini kee li nsin, teege yi ye, ke wu faaŋɔ ntse wu nuuŋ wu beniiŋ be kimbeenche-ɛ. Nwaani weɛ wi kinge kee fɔ keɛ ki yaa ki wi wu nuuŋ ye wi wu kimbeenche ke.

⁹ Kwɛɛŋku wu be nuuŋ be lii bukoŋ bwɛɛ li kintutu ki bukeɛŋ beɛŋku le be ni be fii be kɛmi le ni nuuŋ wu bo biya mbaaŋ busɔɔ, ɛ tɛ saa wu nuuŋ kwɛɛŋ wu wi mumkpaŋ,

¹⁰ tuu nuuŋ wu be kii bujɔŋ le kɛmi kinge ki dzeɛŋ. Fi fiɛɛ le: Ti kisi bɔɔŋ bee Ƽ dze yi dzeɛŋ li, fii mfoŋ li wuu yih, nuuŋ wu tsootsi bikaa bi beniiŋ be nuuŋ be Nyɔ-ɔ, fii tɛ beniiŋ be nge-ɛ, ɛ wu nyɛ yi yee le ni feti nimɛ chi dzeɛŋ Ƽ dzɛ chichi.

¹¹ Se nuuŋ le, ɔ beŋ ke le ɔ lii bukeɛŋ beɛŋku-u be mɛɛŋ beɛɔŋ li kintutu ki be gii be ni be fii be ke, kifɛ ɛ yɪ yi bee dza yi bechi yi tuu yi nyinini, be tuu be daayɛ nkaache wu be tɛ kaache li Krai, be bechi be ni be geendi le be kaari be geɛŋ bugoo Ƽ bunin bamu-u.

¹² Ɛ be fɛ Ƽ, ke be dzɔ baa nge li bikoo bi bee kifɛ be bonde baa nkaache wube wu nkosi.

¹³ Li ntawu fe, ɔ lii be li kintutu-u, be dza be laanche be to si beniiŋ be nuuŋ yee, be mbwengi li yih yi beniiŋ li. Nuuŋ ye le be gii be ni be nuuŋ yee kwaa ke, be gii be ni be fieti mɔɔ bimfiɛ, be lisi bimfimu fɛ biee bi beniiŋ Ƽ, be tiiti biee bi be kɛmi ye le be ni be tiiti ke.

¹⁴ Bɛdeɛni, nse n'wekɔɔ le be geɛ bukeɛŋ beɛŋku-u be mɛɛŋ beɛɔŋ baa kaari be geɛŋ ba Ƽ bunin bamu-u, be biɛ bɔɔŋ, be ni be bichi Ƽ belɔ be bee, kii wi wu mbani ni dza ni beɛ lejɪŋ bifisi mɛŋkooŋ mɛɛŋ.

15 Ntiitɔɔ ni kife beniin bamu tan baa dze be to kimbe ki Sata-an.

16 E kwɛɛɛ wu nuun wi wu kimbeenche kemi buɛɛɛ beɛɛku-u li kini kibeɛ, ni fii be, kii kintutu ki beniin be kimbeenche ni too bentɛ nge. Ki gii ki ni ki fii nuun buɛɛɛ beɛɛku-u be gbɛngi be nuun be be mbiin.

*Fiee fi beniin be kimbeenche-ɛ kemi
le be ni be feti li bete kintaashe*

17 Bete bikoo bi kintaashe ki beniin be kimbeenche-ɛ be nindi buɔɔɔ be kemi le be ni be nyɛɛ be ngunu be kinsomfu, teege be fenjisi je yi Nyɔ be tiifi beniin.

18 Be kemi le be ni be nyɛɛ le kife Kinwaati ki Nyɔ-ɔ tiiti le,

“Kiin ɔ ni kan kimfime ki nya-an mfi wu yi nusini giin ke.”

Fi tuu fi nuun le, “Wi wu nime kemi le ni kemi kinsomfu kee.”

19 Kiin wi ni sɔɔmi te kikoo wu kintaashe kimu li wɛ-ɛ, ɔ beɛ fuki fe beniin befe ke betɛtu len lejin le nsa wulu nsin ke.

20 E nuun bamu baa be ba be feti kinge ki bifi be giingi bu limfwe, ɔ wame be le beniin lii bechu, ke bamu baa se chen.

21 Ntiitɔɔ fini li wɛ-ɛ Nyɔ limfwe be Krai Jiso mɔɔ benchindaa be Nyɔ buu le, ɔ feti fiee fi ntiiti fini ɔ to ke dzin yi wumu ke, ɔ feti fiee ɔ doonche ke chichi chichi ke.

22 Kiin ɔ ni ɔ bakini le ɔ gɛɛ tsan li wi-i le ni nuun te kikoo wu kintaashe ki beniin be kimbeenche-ɛ

ke. Kiinj ɔ ni ɔ lisi fio tsan fe bibifi bi wi wumu ke. Gεε yi ya yi ni yi wuuti.

²³ Kiinj ɔ ni ɔ wundi nuun dzɔɔ kwaa ke. ɔ wundi te mbiinj niinj kii tee cho be si ɔ gbengi ɔ gendi mfi kwi ni.

²⁴ Bibifi bi beninj bamu ti yengi nge bi doonchi le be we baa nsa, bi bamu ti dzeti mfi bi se yine.

²⁵ E neε le si kinge ki dzeen ti nuun. E ki mεen ki yene ke tseke ke, ke ki nuun te ba le munyiikɔɔ li ke.

6

Kingε ki mfwa wu nuun wi wu kimbeenche kemi le ni kemi

¹ Beninj bechu be nuun le kimbon ki bumfa-a, be kemi le be ni be nyεε nguɔu le dzε chichi-i li bete bikoo be kemi bee. Be ni be feti le, kii beninj ni ni be tiiti jε yi bifi kii bukoon bu Nyɔ-ɔ mɔɔ ntiife wuseɔ.

² Kiinj bemfa be kemi bete bikoo be bee be nuun beninj be kimbeenche-ε, ni be nyamisi be ke kife be bechu baa bɔɔɔ be wi mumkpan li Krai li. Be kemi le be ni be nindi li bee bujɔɔ yeki mɔɔ, kife beninj be kemi mben wu nime chi bee nuun beninj be kimbeenche-ε be kingkɔngise be nge.

Beninj be ntiife be binseε le be bunɔɔa bu cheɔɔ

ɔ tiifi beninj bieε bini, ɔ nyεε be ntifi le be ni feti bieε bini

³ E wi tiifi ntiife wumu wu chichi wu beenchi ye ntiife wu cheɔɔ wu Taa wuseɔ wu Jiso Krai mɔɔ ntiife wu kɔche be ntse wu Nyɔ weki ke,

⁴ ke mwe tsakisɔɔ yi li yee li, kii ye fieε ke. Wεε wi gendɔ be chigɔɔ chi bitechine be bisεnine kii jε yi beε be shɛɔ yi yεti, mɔɔ ntsoon mɔɔ be ngeashe mɔɔ mbinine wi kemi mbeeche wu bifi,

⁵ bε kimfime ki binine le beniin li lenti bε nuun ε bufi bubee lake nuun ε be lee cheen. Be feti le be bichi le fiee fi Nyɔ-ɔ nuun dze yimi yi nuun be loo le.

⁶ Se nuun le, ε wi tsiin ntse wu Nyɔ weki tuu wuki bujon bε fiee fi kemi, ke ε neε bunɔŋa bu nge,

⁷ kife te tɛ bε li kwεen wuni-i bɔ kilere, te se gii te kaari bɔ kilere.

⁸ Bedεeni, ε te kemi bijine bε ndu, ke bi kɔche bieε fe bee li.

⁹ Se nuun le, beniin bε weki le be ni be nuun beniin bε bulofu-u, be ti wii li mɔnche-ε, be dzeti li kintasi-i, be lii li ngeen yi bieε bi ngee bi kibere-e bi bεε bε benge. Bieε bini bi se nuun bi lisi beniin li nge-ε wu nuun wu lee be bu lesu-u.

¹⁰ E kinɔŋgise ki kwa-a ki nuun kinyi ki nwaani bibifi bichu-u. E kii kinɔŋgise ki nge ki beniin kemi li kwa-a kini ki beniin bamu tan baa dze li kimbeenche ki bee, be se beemi shɛn yibe bε bieε bi tɔnyi yi nge.

¹¹ Li wε-ε Timōti, ɔ wε fio wi wu Nyɔ. Kifi fio bieε bini bichu. ɔ ni ɔ bichi nuun le ɔ kemε ntse wu tsaan mɔɔ ntse wu Nyɔ weki. ɔ ni ɔ kemi li kimbeenche ko-o, ɔ kemi kinɔŋgise, ɔ kɛndi shɛn, ɔ kemi te ntse wu mbεenɔgii.

¹² ɔ gwii bugwe bu kimbeenche bu dzeen. ɔ kemi ntse wu kimake wu bε te teen wε le ɔ le li wuu, ɔ te len beniin nge limfwe bε te len lejɛn le nsa wa, ɔ se tee fiee fi shaan kii kimbeenche ko.

¹³ Nse ntiitɔɔ li wε-ε le Nyɔ lii yi nyεε ntse li bieε bichu, mɔɔ le Krai Jiso lii wu te len limfwe li Pontu Pailɛt ku fiee fi shaan bε kimfime kee kii yi yee,

¹⁴ ntiitɔɔ le ɔ ni ɔ kichi bɛnchi bani, ɔ nuun findzɔŋ nsin, ɔ nuun ŋkɛmɛ fiee fi nuun wi gun wɛ li fi-i nsin, ni giingɪ buti mfi wu Taa wusɛŋ wu Jiso Krai gii naa busɛ.

¹⁵ Se gii naa busɛ nuun lɛ mfi-i lɛ wa, wu Nyɔ yi bɛ piɛti gii yi doonchɛ, ɛ yi kwaa yi sɛki bieɛ bichu, Nyɔ yi nuun Mfɔŋ wu bɛmfɔŋ mɔɔ Taa wu bɛtaa bɛchu.

¹⁶ Ɛ nɛɛ yi kwaa yi nuun tɛ naa kwi kɛ, ɛ yi yi tsiin li Kin'wofu ki nuun wi tɛ naa kiingɪ li ki-i lichin kɛ. Wi ti mɛɛŋɔ saa ki ŋɛŋ kɛ yi kɛ, se wi nuun tɛ ŋɛŋ yi kɛ. Ngunɔ nuun li yi-i, yi sɛki bieɛ bichu ma nsin. Fi nuun lɛ.

¹⁷ Li nto lɛ kimbe ki bɛniin bɛ kwa-a bɛ li nshe yini-i, tee li bee le kiin be ni be tsakisi yi kɛ. Kiin be ni gɛɛ bufii bubee li kwa wu gii naa wu dza wu ma-a kɛ. Be gɛɛ bufii nuun li Nyɔ-ɔ yi gbɛŋgi yi shooshi bieɛ bichu li bee li le tɛ ni tɛ wuki bujɔŋ lu.

¹⁸ Be ni be feti nuun bieɛ bi dzeɛŋ, bulofu bu bee ni bu nuun nuun bieɛ bi dzeɛŋ bi be feti. Be gwiye tsan yibe be ni be nyɛɛ nya mbeeche nsin.

¹⁹ Yini nuun dze yi nuun be ni be giki bulofu bu bieɛ lɛ li yi yi bee kii fwaa si kimfoo ki tɛɛmi, be se kɛmɛ ntse wu gbɛŋgi wu nuun ntse.

²⁰ Timōti, ɔ kiichi nɛɛ fiee fi bɛ gɛɛ li tsan ya-a. Ɔ wakisi tefe chi kɛmi ye fiee fi fɛɛ bɛ Nyɔ kɛ, mɔɔ tefe chi biɛchine chi bɛniin beechi le ɛ chi bufii lɛ.

²¹ Bɛniin bamu dza baa be wɛki le be ni be kungi ŋwaani bini bieɛ, be se dza baa be tan dze lɛ kimbe ki kimbeenche ki bee. Taa doonchɛ shɛŋ yi dzeɛŋ li beŋ.

Sari

Sari: Sari (New Testament+)

copyright © 2024 Wycliffe Bible Translators, Inc.

Language: Sari

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-26

PDF generated using Haiola and XeLaTeX on 25 Apr 2025 from source files dated 26 Apr 2025

0b48302f-d71e-5995-a8f4-98013bf8b3d2